



ХАБАР

خبر

Ўзбекистон Республикаси Алоқа Вазирлиги нашри

1992 йил мартдан чиқа бошлаган • 1995 йил, 7 июль № 27 (152) •

Сотувда нархи эркин

ҲАЙЪАТ ЙИГИЛИШИДА

Ўзбекистон Республикаси Алоқа вазирлигининг кенгайтирилган ҳайъат йиғилишида тармоқдаги муҳим масалалар муҳокама қилиниб, амалга оширилган ишларга баҳо берилди ва келгуси режалар белгилаб олинди. Йиғилишни Алоқа вазири К. Р. Раҳимов олиб борди.

Унда «Ўзбектелеком» ва «Ўзбекистон почтаси» концерни, «Алоқинвест» ҳиссадорлик жамияти, «Алоқасаноат» ҳамда электр алоқа корхоналари, Қорақалпоғистон Мухтор Республикаси ҳамда вилоятларнинг алоқа қурилиш бўлинмалари, Тошкент шаҳар телефон тармоғининг корхона ва бирлашма ҳаёт хабарлари иштирок этишди.

Электр алоқа корхоналарида 1992-1995-йилларда амалга оширилган ишлар ва 1995-1998-йиллар ичида бажарилиши лозим бўлган вазифалар ҳусусида Алоқа вазири К. Р. Раҳимов нутқ сўзлади.

Маърузачи шунинг таъкидладики, Ўзбекистон мустақил бўлганидан буён алоқа корхоналарида салмоқли ишлар амалга оширилди. Бу шуниси билан қувончлики, қўлга киритилган барча ютуқлар мустақил равишда рўйга чиқарилди. Бироқ шундай бўлсада, ҳали олдинда бир талай муаммолар мавжуд. Ўзбекистон электр алоқасининг бошқариш тизимларини ислоҳ қилиш учун қатор чора-тадбирлар белгиланди. «Алоқасаноат» заводи, лойиҳалаш институти, қурилиш-пайвандлаш бўлими, Электротехника алоқа институти ва Алоқа коллежи, шаҳарлараро алоқа ва телевидение ҳудудий ишлаб чиқариш бирлашмаси каби алоқа ташкилотлари республика балансида ўтказилди. Утиш даври шароитида тармоқнинг бир қатор — Халқаро ҳисоб-китоб ва шартномалар маркази, Шаҳарлараро ва Халқаро алоқа тармоқларини бошқариш маркази, Илмий-тектириш маркази, «Ўзбекистон маркази» давлат нашриёт маркази, Давлат алоқа назорати, Давлат радиочастоталар комиссияси, «Ўзимпекс-алоқа» ташқи савдо фирмаси каби янги корхона ва ташкилотлар тузилди. Шунингдек, қурилиш-пайвандлаш, sanoat, таъминот, автотранспорт, ҳиссадорлик жамиятилари ҳамда хорижий фирмалар билан ҳамкорликда уяли алоқа, кабель телевидениелари ташкил қилинди.

Ўзбекистонда телекоммуникация 2010 йилгача тараққий этиришга мўлжалланган

бош режа ишлаб чиқилди. Вазирликнинг марказий аппарати алоқа соҳасини бошқаришда ўз иш тажрибасини тобора ошириб, меъёрий-ҳуқуқий база яратаетир. Тармоқдаги ютуқлар ҳеч қандай йўқотишларсиз, катта қийинчиликлар эвазига қўлга киритилди. Мунтазам ва узлуксиз равишда иш олиб борилгани тўғрисида аҳолига ва халқ ҳўжалигига алоқа хизмати кўрсатилди.

Телефон тармоғи 73,7 минг рақамга, магистрал алоқа линияси қарийб 220 километрга етказилди. 6 та туманда алоқа корхона биноси фойдаланишга топширилди. Тошкент шаҳрида алоқачилар учун 5358 квадрат метр уй-жой бинолари қурилди. Республикада биринчи марта Фарғона vodiysida 50 минг рақамга мўлжалланган янги электрон АТС ишга туширилди. Шундай янги станциялар мажмуини Сирдарё ва Наманган вилоятларида ҳамда Тошкент шаҳрида бунёд этиш ишлари амалга оширилмоқда.

Бу борада хорижий фирма ва давлатлар билан тузилган шартномалар ўз самарасини бера бошлаяпти. Халқаро ташкилотлардан 340 миллион АҚШ доллари қарз берилганди. Шундан 60 миллиони сарф қилинди. Ўзбекистон алоқачилари «Сименс», «Алкатель», «ДЭУ» каби машҳур хорижий фирмалар билан ҳамкорликда телекоммуникация соҳасини ривожлантириш учун самарали ишлашмоқда.

Алоқа вазири К. Р. Раҳимов яна шунинг таъкидладики, барча масалалар кўнгилдагидек тўла ҳал қилинмаган. Вазирлик бўлимлари, концерн, корхона раҳбарлари ишда ўзларини тўлиқ намоён эта олмаяптилар. Меъёрий-ҳуқуқий базани вужудга келтириш, радио ва телевидениени техник жиҳатдан тараққий этириш концепцияси тўғрисида ишлаб чиқилмаган. Яна шу нарса алоҳида қайд этилдики, аҳолига хизмат кўрсатиш сифати пастлигича қолмоқда. Бу эса барчада ташвиш уйғотаётир.

Муҳокамада Т. М. Бикметов, М. А. Холмуротова, А. Жўрабоев, А. Т. Тоғайалиев, Ю. Саъдуллаевлар сўзга чиқишди. Қабул қилинган қарорга кўра, вазирлик ва корхоналарнинг алоқа соҳасида ислоҳотларни тadbiq этиш ишлари қоникарли баҳоланди.

Йиғилишда 1995-1998-йиллар мобайнида халқаро ва шаҳарлараро ҳамда шаҳар телефон тармоқларида рақамли замонавий электрон тизимни жо-

рий этиш, меъёрий-ҳуқуқий базани яратишда ишни янада жонлантириш, мутахассисларни қайта тайёрлаш каби вазифалар белгилаб олинди. Бир гуруҳ раҳбар ва мутахассисларга икки ҳафта мобайнида радио ва телевидениени техник жиҳатдан тараққий этириш концепциясини ишлаб чиқиш вазифаси топширилди. Амалга оширилган ишлар якунларини электр алоқа ва қурилиш ташкилотларининг кенгайтирилган йиғилишларида муҳокама этиш тadbiq қилиниб, муҳокамада вазирлик ҳайъат аъзолари қатнашадиган бўлди.

Ҳайъат йиғилишида энг муҳим масала — Тошкент шаҳрининг телефон алоқасини яхшилаш йўлида бажариш ишлари натижаси кўриб чиқилди. Унда Алоқа вазирининг ўринбосари, Тошкент шаҳар телефон алоқаси ва радиолаштириш ишлаб чиқариш бирлашмаси бошлиғи В. А. Кравченко маъруза қилди. Маърузачи бир йил олдин республикамиз Президентининг Тошкент шаҳар Кенгаши сессиясида пойтахтдаги телефон хизматини танқид қилганлигини эслаб ўтди. Ушандан сўнг вазирлик томонидан қатор чора-тадбирлар режаси тузилганди. Шаҳарда алоқа хизматини яхшилаш, хизмат кўрсатиш сифатини ошириш учун вазир буйруғи билан тадбирлар мажмуи белгиланиб, барча имкониятлар ишга солинди. Қисқа муддат ичида бу борадаги вазифалар удрланди. Бу ишда Германиянинг «Алкатель» ва Япониянинг «Мицуи» фирмалари қатнашишди. Ушбу маъруза муҳокамасида Ш. Одилов, А. Х. Алимбоев, О. Абдуазизов, М. Ориповлар ўз фикр-мулоҳазаларини билдиришди.

Ҳайъат бу борада қабул қилган қароридан ўз вақтида амалга оширилган чора-тадбирлар тўғрисида вазирликнинг «Моҳир алоқачи» нишонини ҳамда Фаҳрий ёрлиқларни топширилди.

Ҳайъат йиғилишида Республика Вазирлар Маҳкамасининг транспорт ва алоқа бўлими мудири Ш. Қ. Қодиров қатнашди.

А. КУДИНОВ

Алоқа корхоналарида кўп йиллик самарали меҳнати ва соҳа равнақи йўлидаги хизматлари учун бир гуруҳ алоқа ходимлари муносиб тақдирландилар. Ўзбекистон Республикаси Алоқа вазирлиги ҳайъатининг қарорига кўра қуйидаги ходимлар — «Тошкент почтаси» давлат поч-

бўлими бошлиғи Бухор Болтаев, Алоқа вазирлигининг иқтисод ва давлат мулкни бошқариш бўлими бошлиғи Маҳсум Маҳмудовларга Ўзбекистон Республикаси Алоқа вазирлигининг «Моҳир алоқачи» фаҳрий унвони берилди. Уларга кўкрак нишони ҳамда гувоҳномалар топ-

МУКОФОТЛАР МУБОРАК!

та алоқа ишлаб чиқариш корхонаси бошлиғи Собир Ҳотамов, Андижон вилояти давлат почта алоқа ишлаб чиқариш корхонаси бошлиғи Каримжон Пўлатов, Тошкент алоқа коллежининг электр алоқа цикл комиссиясининг раиси Людмила Яворская, Республика радиоэшитириш ва телевидение ишлаб чиқариш бирлашмасига қарашли 5-радиостанция монтёри Жўра Насимов, Бухоро вилояти давлат электр алоқа ишлаб чиқариш корхонасига қарашли Қорақул туман электр алоқа боғламаси муҳандиси Ҳикмат Абдуллаев, Тошкент шаҳар телефон тармоғи ва радиолаштириш бирлашмасига қарашли Миробод телефон боғламаси, 53-АТС кабель кавшарловчиси Равил Жонзоқов, Тошкент вилоят давлат электр алоқа ишлаб чиқариш корхонасига қарашли Бекобод тумани электр алоқа боғламаси телефончиси Инобат Усмонова, Қашқадарё вилоят давлат почта алоқа ишлаб чиқариш корхонасига қарашли Қамашини почта алоқа боғламаси Ангор алоқа

ширилди. Шунингдек, Хоразм вилоят давлат электр алоқа ишлаб чиқариш корхонасига қарашли шаҳар ва шаҳарлараро телефон станцияси электромонтёри Ёқуббой Бўронов, Тошкент электротехника алоқа институтининг Марказий Осиев телекоммуникация бўйича Ўқув Маркази директори Илдор Килдеев, «Алоқинвест» ҳиссадорлик жамиятининг 6-участкаси кабель кавшарловчиси Ҳамиджон Ҳидоятлов, ҳарбий қисм командири, полковник Дмитрий Гольдман, Республика радио ва телевидение ишлаб чиқариш бирлашмасига қарашли Тошкент радио ва телевидение узатиш маркази бошлиғи Умида Қодирова, Қорақалпоғистон Мухтор Республикаси давлат электр алоқа ишлаб чиқариш корхонасига қарашли Нукус шаҳар бирлашган электр алоқа тармоғи бошлигининг биринчи ўринбосари Акимниёз Ембергеновлар Алоқа вазирлигининг Фаҳрий ёрлиғи билан мукофотландилар. Мукофотлар муборак бўлсин, захматқаш алоқа ходимлари!

ОПАМДА НИМА ГАП?

• Воқеалар • Янгиликлар • Хабарлар

- Тошкентда республика Президенти ҳузурдаги Иқтисодий ислоҳот, тадбиркорлик ва хорижий сармоялар бўйича идоралараро кенгашининг мажлиси бўлди. Уни Президент Ислам Каримов бошқарди.
- Ўзбекистон Ёзувчилар уюшмасида Абай Қўнонбоев таваллудининг 150 йиллигига бағишланган йиғилиш бўлиб ўтди. Унда таниқли ёзувчи ва адабиётчилар сўзга чиқишди.
- Самарқандда Марказий Осиев тадқиқотлари халқаро институтини ташкил этиш бўйича тасвир конференцияси бўлиб ўтди. ЮНЕСКО дастурига мувофиқ ўтказилаётган ушбу тадбирда Марказий Осиев республикалари ҳамда хорижий давлатлардан вакиллар ва халқаро ташкилотларнинг кузатувчилари иштирок этишди.
- Тошкентда Ўзбекистон Республикаси Олий судининг пленуми бўлди. Уни Олий суд раиси У. Мингбоев олиб борди. Пленумда судьялик лавозимига янги тайинланган судьялар тантанали қасамд қилдилар.
- Грузия давлат раҳбари Эдуард Шеварднадзе яқин кунларда мамлакатда миллий валюта — лари муомаласига чиқарилишини маълум қилди.
- Хитойнинг Гуаньдон вилоятидаги атом электростанциясининг биринчи блоки яна одатдагидай ишлаб бошлади.
- Буюк Британия, Франция ва Голландия қуроли кучларидан ташкил этилган 15 минг кишилик тез ҳаракат қилувчи корпус 15 июлдан бошлаб Боснияда узига юклатилган вазифаларини бажаришга тула-тўлиқ тайёр туриши эълон қилинди.
- Женевада жуда мураккаб музокаралардан сўнг Япония билан АҚШ ўз бозорини бир-бирларининг автомобиллари учун очишга аҳдлашдилар.
- Европа халқаро ҳамжамияти собиқ Югославия ва Руанда аҳолисининг уруш тўғрисида чекан кулфатини инобатга олиб, Гаага ва Аруша (Танзания) шаҳрида ҳарбий жиноятчилар устидан халқаро трибунал ўтказишга қарор қилган эди. Халқаро Қизил ҳоч қумитаси ушбу ташаббусни қўллаб-қувватлади.

Яқинда Тошкентда Марказий Осиё республикалари почта ходимларининг ўзаро матбуот нашрларини айрибошлаш масалаларига бағишланган йиғилиш бўлиб ўтганди. Мухбиримиз анжуман қатнашчилари билан суҳбатлашди.

Зурия СЕИТОВА, Қирғизистон Республикаси, «Қирғизистон почтаси» матбуот тарқатилиш давлат департаменти бўлими мудири

— Зурия Нурсоатовна, республикангизда матбуот тарқатиш борасидаги тажрибалар ҳақида гапириб берсангиз.

— Корхонамиз республикада барча турдаги матбуот нашрларини аҳолига тарқатиш билан шуғулланади. Жумҳуриятимизда 30 тадан кўпроқ номда газета ва журналлар нашр этилади. Корхоналаримиз ўша нашрларни обуначиларга тарқатишдан олдин муҳарририятлар билан шартнома тузади. Бу борада бизда ҳеч қандай чеклашлар йўқ.

Кўпгина матбуот нашрлари дўконлар орқали сотилади. Бу эса бизга қўшимча даромад келтиради. Бундан ташқари айрим муштарийни қарзга (обуна пулини кейин олиш шarti билан) ҳам обуна қилдирамиз. Бундай усул ишимизга наф бераяпти. Доимий мижозларни йўқотмаслик мақсадида нархларни кўтармаймиз. Шунга ўхшаш бир қатор хайрли ишлар туфайли талайгина ютуқларга эришдик.

— Илгари республикаларо обуна масаласида деярли муаммолар йўқ эди. Мустақил республикалар ўз валюталарига эга бўлгач, бу ҳуусда айрим қийинчиликлар пайдо бўлди. Ушбу масала республикангизда қандай ҳал қилинмоқда?

— Кейинги пайтда Марказий Осиё республикалари ўртасида почта айрибошлаш назардан четда қолиб кетди. Бироқ Қирғизистон Республикаси раҳбарияти бу масалага катта эътибор бериб келмоқда. Жумҳуриятимизда МДХ нашрларига обуна борасида ҳеч

қанақа тўсиқ ва чеклашлар йўқ. Аmmo бошқа республикалардаги баъзи бир муаммолар ишимизга халақит бераётир.

Маълумки, Қирғизистонда жуда кўп ўзбеклар истиқомат қилишади. Уларнинг республикангиздаги матбуот нашрларига бўлган талабини тўла бажаролмаймиз. Бунинг сабаби — республикаларо тузил-

— Жумҳуриятимизда Марказий Осиё ва бошқа республика матбуот нашрларига обуна борасида ҳеч қандай чеклашлар назарда тутилмаган. Айниқса, Ўзбекистонда нашр этиладиган газетга, журналларга қизиқиш катта. «Халқ сўзи», «Ўзбекистон овози», «Саодат», «Фан ва турмуш», «Контакт» каби газета-журналларга обуна бизнинг жумҳуриятда камайиб кетди. Муштарийларимиз эса бу масалани ҳал қилиб беришни сўраб бизга мурожаат қилишмоқда. Агар ягона «Туркистон» каталоги яратилса, бунга ўхшаш муаммолар ўз ечимини топиб, борди-келдимиз янада мустаҳкамланади деб ўйлайман.

Тўхтабой ҚАЮМОВ, Тожикистон Республикаси алоқа вазири ўринбосари

— Тўхтабой Қаюмович, республикангиз аста-секилик билан бўлсада, оғир вазиятдан чиқаётир. Айтинг-чи, алоқа соҳасида қандай ишлар амалга ошириляпти?

— Ўзаро биродарқушлик урушида жуда кўп алоқа иншоотларига шикаст етказилди. Урушдан кейин бузилган, вайрон қилинган жойларни қайта тиклаш учун бутун куч-ғайратимизни сафарбар этдик. Бунинг учун республикамиз ҳукумати катта миқдорда қарз берди. Кўпгина алоқа биноларини асл ҳолига келтирдик.

Республикангизда алоқа соҳасида бир талай жаҳоншумул ишлар амалга оширилибди. Ўша тажрибаларни ўз жумҳуриятимизда қўлламоқчимиз.

Республикаимизда биронга ҳам алоқа заводи йўқлиги туфайли илгари барча алоқа жиҳозларини Тошкентдаги «Урта Осиё кабель» заводидан олардик. Кейинги пайтда бу алоқалар ҳам бироз сусайди. Алоқа соҳасида ҳали жуда кўп тер тўкишимизга тўғри келади.

Суҳбатларни Иззат АХМЕДОВ ёзиб олди

КўНГИЛЛАР МУШТАРАК БўЛСА...

ган шартномаларнинг яхши йўлга қўйилмаганлигидир. Ушбу муаммолар ўз ечимини топса, нур устига аъло нур бўларди.

Жўра ОТАНИЕЗОВ, Туркманистон Республикаси, Лебон вилояти почта корхонаси директори

— Республикаларо почта айрибошлаш масаласида сизнинг жумҳуриятингизда қандай муаммолар мавжуд?

— Ушбу анжуманнинг ўтказилиши айнаи муддао бўлди. Яқин қондош-қариндошларни кўриш, улар билан дийдорлашиш бахт. Барчамизнинг умумий мақсадимиз маълум вақтда узилиб қолган азалий почта айрибошлаш масаласини қайта тиклаб олишдир. Бунинг учун бизнинг жумҳуриятимизда ҳам, Ўзбекистонда ҳам барча имкониятлар мавжуд, фақат айрим сабаблар билан ҳозирча сусайиб қолган ўзаро шартномалар борасидаги масалаларни Марказий Осиё миқёсида ҳал этиб, йўлга қўйиш ўз қўлимиздадир.

— Республикангизда Ўзбекистон нашрларига қизиқиш қандай?

КОРХОНАЛАР, ТАШКИЛОТЛАР ВА ФУҚАРОЛАР

ДИККАТЛИК!

Радиостанцияларнинг барча турлари (олиб юриладиган, мобил, стационар), радиоузаткичлар ва радиотелефонларни сотиб олиш (сотиш), ясаш, чет элдан олиб келиш ва фойдаланиш вилоятлар Давлат Электр алоқа Назорати бўлимлари рухсати бўйича амалга оширилади.

«Радиоэлектрон воситаларни ва юқори частотали мосламаларни сотиб олиш (сотиш) ва фойдаланиш тўғрисида»ги 280-йўриқномани бузиш Ўзбекистон Республикаси маъмурий ҳуқуқ кодексига мувофиқ жарима солинишига ва радионурловчи ускунанинг мусодара қилинишига олиб келади.

Юқорида кўрсатилган ҳолатни олдини олиш мақсадида вилоятлар Давлат Электр алоқа Назорати бўлинмалари радиоэлектрон воситаларни чет элдан олиб келишга рухсат бериш, рўйхатга олиш, сотиб олиш (сотиш) ва радиотелеқабул каналларида радиоҳалақитлар манбаини аниқлашда ёрдам кўрсатишга тайёр.

Бизга 35-28-59, 34-21-47, 34-39-76 телефонлари орқали соат 08. 00 дан 17. 00 гача мурожаат қилишингиз мумкин.

Манзилимиз:

Тошкент шаҳри, Жаҳон Обидова кўчаси 8-А уй,
2, 16 трамвай ва 19, 115, 165 автобусларнинг «Бодомзор» бекати.
ЭЛЕКТРОМАГНИТ МОСЛАШУВ МАРКАЗИ

ШАБРИҚЛАЙМИЗ!

Меҳрибон ва мунис Онажонимиз
Азиза ая МУҲИТДИНОВА

Сизни табарруқ 70 ёшингиз билан чин юракдан қутлаб, узоқ умр, сиҳат-саломатлик тилаймиз, бахтимизга доимо соғ-омон бўлинг деб

ОИЛА АЪЗОЛАРИНГИЗ

Ҳурматли Кенжа ЖУМАНОВ!

Сизни 11-июль — туғилган кунингиз билан чин юракдан муборакбод этиб, мустаҳкам соғлиқ, узоқ-умр, бахт-саодат тилаймиз.

Эзгу ниятларингиз ушалаверсин.

Чироқчи почта алоқа
боғламаси ЖАМОАСИ



Суратда: Янги рақамли электрон 36-АТС электромонтёри Галина Шелкова иш устида.

Сураткаш Тўлқин ЛУТФУЛЛАЕВ

ҲИСОБЧИЛАР САБОҚ ОЛИШДИ

Республикаимиз электр алоқа корхона ва ташкилотларининг ҳисобчилари ҳамда иқтисод, молия тизими раҳбарлари иштирокида «Ўзбектелеком» концернида тўрт кунлик ўқув машғулотлари бўлиб ўтди. Тингловчилар бозор иқтисодиёти шароитида даромад, сарф-харажат, солиқ тизими ва иқтисодий режалаштиришдаги янги ўзгаришлар билан танишишди.

Ўқув машғулотларида асосий диққат-эътибор харажатларни камайтириш, ишлаб чиқаришда юқори самандорликка эришишда тўпланган тажрибаларни ўрганишга қаратилди. Машғулотларда ҳисоб-китоб, молия, иқтисод бўйича ўқиш борасида халқаро гувоҳномаларга эга бўлган мутахассислар — Е. В. Сердюкова, Т. С. Палагута, «Ўзбектелеком» кон-

церни раиси Т. М. Бикметов, концерн бош ҳисобчиси М. П. Пан маъруза қилишди. Маърузачилар янги шароитда ўзаро ҳисоб-китоб ишларида юзага келган муаммоларни ҳал қилишнинг йўл-йўриқларини батафсил тушунтириб беришга ҳаракат қилишди.

Ўқув машғулотлари яхши тайёргарлик кўрилгани боис муваффақиятли якунланди. Энди машғулот иштирокчилари ўз корхоналарига бориб, мутахассисларга ҳисоб-китоб, молия хизматларидаги янги қорун-қондаларни тушунтириш каби муҳим ишларни олиб боришади. Келгусида ҳам республикаимизда иқтисодий ислохотларни амалга оширишда дуч келинаётган муаммоларга бағишланган ўқув машғулотларини ўтказиш режалаштирилди.

А. ДАРВЕШОВ

